



25 OCT, 2024

Rampas 6,719 liter air zamzam tanpa permit

Harian Metro, Malaysia



Page 1 of 2

Rampas 6,719 liter air zamzam tanpa permit

Kota Bharu: Seludup dan cuba memasarkan air zamzam secara haram di negara ini.

Kegiatan itu bagaimanapun dibongkar Jabatan Kastam Diraja Malaysia (JKDM) Kelantan yang merampas 6,719 liter air zamzam bernilai RM146,237 termasuk cukai menerusi serbuan di dua stor di sini, Isnin lalu.

Serbuan jam 2.45 petang itu dilakukan anggota Cawangan Penguatkuasaan Rantau Panjang, JKDM Kelantan itu hasil intipan.

Pengarahnya, Wan Jamal Abdul Salam Wan Long, berkata, pihaknya mengesan dua stor dijadikan pusat penyimpanan bekalan air zamzam sebelum serbuan.

"Hasilnya kami merampas 6,719 liter air zam zam bernilai RM146,237 termasuk cukai. Bekalan air itu di-

simpan di stor sebelum diedarkan ke pasaran tempatan.

"Kami turut menahan dua lelaki untuk membantu siasatan kerana gagal mengemukakan dokumen pengimportan dan permit berkaitan.

"Modus operandi mereka membuat ikrar palsu semasa proses pengimportan untuk mengaburi pihak berkuasa," katanya, semalam.

Katanya, air zamzam barang larangan apabila pengimportannya dibenarkan dengan syarat ada lesen import selaras Butiran 35, Bahagian I, Jadual III, Perintah Larangan (Larangan Mengenai Import) 2023 dan perlu mendapat kelulusan daripada Kementerian Kesihatan Malaysia (KKM).

"Kes disiasat mengikut Seksyen 135(1)(d) Akta Kastam 1967," katanya.



JKDM Kelantan merampas 6,719 liter air zam zam bernilai RM146,237 termasuk cukai menerusi serbuan di dua stor. -Gambar NSTP/ Ihsan JKDM



25 OCT, 2024

Rampas 6,719 liter air zamzam tanpa permit

Harian Metro, Malaysia



SUMMARIES

Kota Bharu: S eludup dan cuba memasarkan air zamzam secara haram di negara ini. Kegiatan itu bagaimanapun dibongkar Jabatan Kastam Diraja Malaysia (JKDM) Kelantan yang merampas 6,719 liter air zamzam bernilai RM146,237 termasuk cukai menerusi serbuan di dua stor di sini, Isnin lalu.Serbuan jam 2.45 petang itu dilakukan anggota Cawangan Penguatkuasaan Rantau Panjang, JKDM Kelantan itu hasil intipan.